

大清光緒廿六年

本館新開除禮拜外每日出報一  
紙外埠均可函致本館取  
閱如外埠閱報加寄費不  
也除日本英法德俄美各國  
惜工本從英法德俄美各國  
刊印各樣單件並有英各紳  
體活字及各式花邊等延有  
西文排印工藝甚精所有中  
印字大小機器均用精工刊

第五千五百五十二號

# 申報

(號七第牌門口虱巴舊在設開館本)

印工緻絕倫並延有文士書  
寫各體文字現由上海購到  
各種新式鉛字其書目另行  
刊佈所有各項價甚相宜再  
本館所登來札原擇其有益  
世道人心者附登否亦須無  
礙於人而後始錄其有謬誤  
成文以及支離費解者概不  
登錄嗣後諸君來札尚祈  
自諒更須寫明里來札向不  
將原稿收回也本館謹白

庚子五月二十日

大英一千九百零六年六月十六號禮拜六 (仙查字每日常白告倘五張每售家園登月每)

菓園出贖 ○啟者現有園坵一所坐落東陵園中有榴連望吃紅毛丹麻南迷等菓子甚多其望  
吃皮薄而肉豐味甚香甜茲將該園內本冬之菓出贖與人 諸君有欲承贖其菓者請至本館面商便  
得特此佈告 本館謹啟

## 靖團匪宜先禁謠言說

今有人被儒服坐小憲讓性理之書披歷代之史卓然以通達事理自命客或忿息而告之曰寇至寇至速  
避速避彼必笑其痴而斥其狂也一日鄉鎮農民集資演劇忽而優伶相鬥其勢洶湧婦女幼弱急奔逃  
若逢大寇不知者見婦女之皇急又見塗臉持械者洶湧亦從而皇急奔逃於是一人曰臉分五色手持利  
械者迫數十人十人曰迫數百人百人曰迫數千人紛紛擾然羣驚寇至啼哭叫喊奔逃入城及城市所聞  
詞益張大扶老挈幼奔逃益急當此之時雖讀書明理之士亦必與之俱逃矣是故一切怪誕不經之言其  
初可以煽惑村夫婦女而其繼則士大夫信之而村夫婦女遂愈神之雖久之自明而其間所  
傷實多此所以妄布邪言煽惑人心者有律有所聞然其聲勢所以能如此之大者無非種種謠言有以輔助之也義  
和團之造為謠言煽惑人心者約有兩大端一乃言其神異一乃言其忠義言其神異者如前日報紀大惑  
不解一則京津近有女巫自言得傳義和團真訣能為人治病能知過去未來人乃爭稱其神妙夫女巫之  
風各處有之其立說大都妄誕可笑然除村夫婦女之外士大夫亦有崇信之者則以若輩慣於試探口氣  
慣於賣通婢僕致能知隱事神而明之今京津女巫自稱得傳義和團真訣其果為義和團之所指使抑  
女巫之揣摩風氣以義和團自神其說吾皆不問吾惟恐自此以後初則婦女神之繼則男子神之終則士  
大夫神之是為團匪添一大羽翼也女巫之造言惑眾本千例禁況敢公然自附於團匪之例有地方之責  
者何竟充耳不聞視為無足重輕是真大惑不解者也言其忠義者則張大其詞以為扶清滅洋之大會京  
中大臣某某京外大臣某某皆會中頭目夫義和團乃八卦教中離卦教之支派嘉慶十三年明降 上諭  
從嚴懲辦當時青縣李八等傳習義和門教一案故城葛立業傳習義和拳棒一案青縣尤明等傳習義和  
門離卦教一案均經先後擬以凌遲之罪豈有堂堂大員而入此逆會之理此皆若輩造為大言以惑村民  
村民信之而士大夫亦漸信之蓋現時所言某某入會向屬虛辭而日久恐成實事其於扶清滅洋之說尤  
屬可笑無論清非若輩所能扶洋非若輩所能滅但查乾嘉年間章奏已有義和名目豈當時洋人已入於  
山東內地乎即此可見扶清滅洋之謠言亦近時所偽造以鼓動愚民仇教之心而揣摩大員守舊之志然  
而京中大員以 祖宗所嚴諭申禁之邪術任聽其在都中傳習任聽其佈散某某入會之謠而不加究辦  
此亦大惑不解者也嗚呼總署之意以剿捕過於急切為不宜然縱不能捕匪會不能辦佈散謠言者乎禁  
謠言則神異之說忠義之說皆不辨而自明既無人稱其神異稱其忠義則團匪不緝而自敗吾故以先禁  
謠言為說也 錄中外新報

## 諭旨恭錄


○五月初三日內閣抄奉 硃筆特圖慎補授太常寺卿欽此○同日奉 上諭王文

韶着充國史館副總裁欽此○同日奉 上諭馮煦現在請假右翼總兵着載瀾署理欽此○同日奉 上  
諭昨因奉匪滋事業經明降諭旨分別辦理此等鄉愚良莠不齊其辦法不外乎嚴拿首要解散脅從現在  
直隸及附近京城一帶到處人心浮動若不迅速懲辦何以絕邪惡而淨根株着步軍統領衙門順天府五  
城直隸總督嚴飭各該地方官並帶各員如拳匪中究係滋擾地方甘心為亂者即當合力捕拿嚴行懲  
辦不得互相推諉如再因循定為崇禮等是問決不寬貸其有隨聲附和並無滋擾擾實跡者亦應剴切曉諭  
立時解散無任再此昨端欽此○初六日兵部題考試八旗文章監試馬步射並監射御史開列請點一本  
奉 旨著派裕德那彥圖監試馬步射欽此○同日奉 旨這監試著茹泰去欽此○同日奉 上諭本日  
召見之開復直隸州知州在任候補知府沈麟書著發往廣東交李鴻章差遣委用欽此

**密酒出賣**


**鳥密酒發賣**

**馳名鐵櫥發售**



嘗思養生之道所最要者則惟飲食其次則惟睡眠然必須有以善其始無意外此本行鐵櫥所以為 諸翁之所共賞也啟者本行所佈之鐵櫥久已馳名於東方一帶而於叻坡則聲名尤著至本行購賣此等鐵櫥已有三十年之久其製甚為堅固保能避火且其鑰匙甚妙斷非盜賊等所能開計其櫥全身均用鐵製成並無雜以木料且諸櫥自前至今均為一式堅固並無有優劣之分至於各櫥大小不一而價值則約一百元至四百元凡用之者可保其不礙

焚燒即遇意外火災要亦無所損礙是以本行之鐵櫥實為叻坡諸華商所喜購而本行每年所沽亦殊不鮮茲特為之錄佈倘 諸君有惠顧者祈即玉臨選購為盼 大英一千八百九十八年正月一號 大清光緒二十三年十二月十八日



明嗎也洋行謹啟

啟者茲本行由歐洲辦到上等密酒來叻發售其酒甚佳茲將標頭印出 諸君光顧祈為細認免致有誤近聞有無恥之徒假冒本行鎖匙標密酒出沽希圖魚目混珠最堪痛恨今本行再行核定於酒樽木和內加鐵絲鎖匙形以示分別倘 諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶瓏 泗里末 望加錫 檳榔嶼 日理等處其餘他埠均能運往並此佈聞 大英一千八百九十八年正月一號 光緒廿三年十二月十八日 明嗎也洋行謹啟



啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭票鳥密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲沽飲者請至本行取用可也此佈 英一千八百九十八年正月一號 光緒廿三年十二月十八日 明嗎也洋行謹啟

**法國頂上蜂窠標萬蘭池酒發客**

啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有蓋出其右者 誠佐饌中之妙品也能此酒向 准本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有剽份之癖者祈早移玉 惠臨購買是幸 大英一千八百九十八年正月一號 明嗎也洋行謹啟



啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸君購買本行白頭三品酒者請細認本號牌之內有小紙包頭註明華字新嘉坡明嗎也公司者始真若無此字樣即屬偽冒請為細認特此廣告 大英一千八百九十八年正月一號 明嗎也洋行謹啟

**三品酒出售**







**雜貨發售** ○啟者本號專辦唐山雜貨各號開列于左  
 長春紙牌 員壽紙牌 男女壽衣 各款綢緞 本號紙牌 榮春紙牌 金箋紙料 正全玉牌 益春紙牌 綢緞布疋 鑼鼓銅器  
 上海書畫 正春紙牌 各款花紙 文圖小種 各色眼薄 筆墨坑硯 信封色料 其餘名目甚多不能備載 諸君有欲惠顧者祈為  
 玉臨到本號內相商自當格外從廉多少聽便以此佈聞  
 大清光緒二十六年五月十三日  
 實叻衣箱街成茂號謹啟

**高士齒養 緬水香牙擦**



夫牙之一道亦人生飲食之要也稍有缺焉何從辨味是在貴乎茲目下本房有高士緬養齒擦牙水其由配製其色鮮紅氣味清香有固齒去腐兼治牙虫牙痛之妙此或常用無何其齒潔白如銀所以以西人每早將此香水用半酒杯和一漱盅清水漱之無不見效洵為固齒之良方不愧濟人之妙用 諸君惠顧請認人頭像為記  
 西一千九百年五月四號  
 星架坡德國神農藥房謹識

**高士髮養 緬水香油香**

啟者本藥房有高士緬養髮香油香水發售凡男女髮黃枯白或髮弱脫落者每梳濯之時將此擦在髮脚無何叢生不絕而且細軟烏潤洵為生髮之良方也本藥房目下並辦歐洲巴釐士各名家極品花露水香油香粉香梘甚多 諸君賜顧請移玉採買可也此佈  
 西一千九百年五月八號  
 星架坡德國神農藥房謹識

**慕娘有限公司告白** ○啟者本行在叻代售歐洲牙力名廠所製之機器乃係天下最美最廉之物該廠各機器均可保其所用鐵料等俱為頂上之品如本行所代售十二匹馬力之機器每副僅計二千零四十五元并另增貼火爐等物全副以便燒用柴薪及鋸屑等之并用不加取分文至該廠所製之機器乃係天下馳名通行已久倘礦務公司及火確火鋸諸商翁等有欲採購者祈即付函到本行內取討簡明價目俾便採購但信內必須詳細書明其地方住址庶得便於附寄特此周知  
 大英一千九百年四月二十六號

承命在叻專代理人慕娘有限公司謹啟


**西醫生**

**力打時**

**英古便**

**益時卑**

**刺藥水**



本房有便益時卑刺藥水乃醫生力打時所製曾為歐洲各國馳名久矣以致皇家大醫院將此藥水常治風濕腫痛及手足難舒抽筋麻木等症凡一切身體骨節抽屈傷損或風火牙痛或蛇虫鼠傷患者將此藥水每日擦擦三四次無不立效如有發熱出汗痢疾肚痛等症皆可每日服三次每次十五滴無不見效 諸君光顧請認紅梳為記  
 西一千九百年五月三號  
 星架坡德國神農藥房謹啟

**沙時巴釐刺藥水**



啟者茲有醫生力打時英古所製之梳標沙時巴厘刺藥水乃用沙時巴釐刺草取其精汁製煉而成此藥功效最神者係清血中穢濁凡諸血症最屬相宜諸君賜顧請移 玉惠臨採購為盼  
 西一千九百年五月三號  
 星架坡德國神農藥房謹啟

**利施岩精製寶磁金銀首飾告白** ○首飾一物雖非盡人而用然以美觀瞻壯顏色之故所賴者亦屬匪輕是以富貴人家莫不爭享此佈聞於此也然而此中優劣固在乎物料之佳然亦賴工作之美方足以副之故求大匠於市廛良非易事本號向以製造金銀首飾為業并買賣石榴米磁石及各樣寶石等為生自西一千八百七十二年開創已來已近三十年素馳聲譽前者 英國四皇子高軒過叻曾蒙柱顧極承獎譽本號因此之故更自刻勵以圖精益求精迨迄於今自問亦無所愧茲本號常有頂上各色磁石及各式寶石以上等工作製成時款首飾發售以便諸人選購凡諸首飾中外男女所用無不俱全諸君藏有寶磁及家傳真珍命本號為之鑲製者均能如命及或有舊首飾欲更換新者亦可以惠臨商酌至於本號所製各物均係現在最新款式精選最上名匠用心製造工料俱佳不但美觀且堪耐用并有華人首飾甚多以便 華籍諸君及女眷等購用所有各飾如磁高羅雙 磁鑽 磁耳塞 磁簪 磁盤領 磁鈕等類均係監督頂上工匠製造最新之款 諸君或為購買或自擇新鮮花樣委令代造均可以如意而成本店中并另陳設廳堂頗為整潔以便華籍諸女客駕臨看閱伏乞本坡或各埠 諸君惠臨查看即知鄙言為不謬矣 本店設在新嘉坡高第街即海實得力門牌第六十二號六十三號 諸君光顧請移玉趾特然講求  
 大英一千九百年正月十號  
 大清光緒貳拾伍年拾貳月初拾日  
 西廊美卑利施岩謹啟



中國通商銀行告白 ○啟者中國通商銀行乃於西一千八百九十六年忽民末月十二號即華光緒廿二年十月初八日恭奉中國朝廷之命為之創設 計集本銀五百萬兩 先行收取二百五十萬兩 總理處設在上海

本銀行又分設於廣東 芝罘 鎮江 福州 漢口 北京 汕頭 天津等處 本銀行所為生理乃買賣以上各地之單及代收以上各處之匯項并電匯等件凡 諸仕商有物件按欲向本行請貸及當單等件皆能如 命倘有欲將銀項寄存本行者亦屬格外有益茲將本行所奉月息列明如左

三個月銀期者每月利息三八仙半  
六個月銀期者每月利息四八仙半  
十二個月銀期者每月利息五八仙半  
大英壹仟捌佰玖拾玖年拾貳月拾貳號  
大清光緒貳拾伍年拾一月初拾日 中國通商銀行駐叻代理人莫實得洋行謹啟

### 金雞

啟者此藥酒由德國皇家大醫生專心博考知有金雞鐵樹產自德國壽如松柏之年採其精華配提神益氣靈芝釀造而成昔年曾經呈送美國英國法國奧國俄國及天下諸大邦統計由各國皇家大醫士三百餘名考驗獎賜手書共三百餘緘純係稱贊此酒之功治男女氣弱血虧精神困倦筋骨痠痛不思飲食胃口呆滯頭眩眼花心驚恍惚夜不成寐腎虧失調小便淋瀝如飯湯等症

### 鐵樹

請認此標為記



長寒發冷瘧症以及婦科月經失調或臨經腹痛病人愈後欠補有疾無疾皆可酌量而飲大能益精補髓更能治陽痿難舉之疾婦人飲之能令溫和子宮養顏肥體永無疾病相侵本局開創經三十餘載歷來不惜資本盡心製煉藥水藥油藥酒丹膏丸散屢試屢驗而德君醫生保存心無論內外新奇難症請臨診視藥到春回貧者不過索回藥費概免謝儀倘蒙惠顧祈到本藥房選沽自當格外從廉此佈

### 藥酒

光緒貳拾伍年七月初四日  
西一千九百九十九年八月九號

新嘉坡土庫街德國神農大藥房謹啟


### 有銀出按

啟者本行常有銀出按與人典當第一次之物業諸君有欲請按者求玉臨本行面商便得再本行設在土庫海傍門牌第十九號與莫實得洋行為鄰并此附佈  
大英一千九百零年三月十五號  
大清光緒廿六年二月十五日  
福蘭公司謹啟

### 嗎根代望即有利銀行告白

啟者本銀行創設有年茲將本行情形詳開如左 本行所備本銀計共一百一十二萬五千磅即一千一百廿五萬元 已收本銀五十六萬二千五百磅即五百六十二萬五千元 各股份人未交之項亦有五十六萬二千五百磅即五百六十二萬五千元 盈餘積項及未分之息共銀四萬二千磅即四十二萬元 本銀行總寫字樓在倫敦 凡諸仕商存寄本銀行之項其一年銀期者以四八仙息算 六個月限期者以三八仙半息算 三個月限期者以三八仙息算 來往短期數則以二八仙按日計算 凡屬銀行應為之生理本銀行均可承造 諸君惠顧請移玉惠臨面商便安  
大英一千九百零四年四月廿六號  
大清光緒二十六年三月廿七日  
嗎根代望即有利銀行駐叻總理人磨亞謹啟

### 鐵櫃出賣



啟者本行所售之鐵櫃在本坡馳名已久素蒙 各君購用莫不盛稱其妙計此櫃之大小共有五種而價甚相宜此鐵櫃乃歐洲著名工師所製極為美善本坡所有西人齊習人以及作廠密生理諸華商多向本行沽買以為貯銀之用因本行所沽者均用頂上物料製造而成不惟能壯觀瞻重且異常堅固無論火燒盜劫均可無虞

貨美價廉莫此為甚倘 各君有欲購此櫃以收藏重寶者可至本行選沽此佈是幸  
英一千九百零八年正月十三號  
丕殺呼答公司即前加珍麥洋行啟

本館專電

頃接本日十點三刻香港發來專電稱北京西山英國使署及教堂數間竟被亂民縱火焚燒現在由津達京之電綫已經毀壞又云英國鐵甲戰船打里勿現載英兵四百名於本日早由港啟程北上云云電音如此按英國使署係在城內東交民巷而西山所建者係屬遊藝行臺想來電忽忽傳發之時偶將行臺誤稱使署耳 又接一點三刻鐘時香江電稱昨日津門郡城之內有教堂三間被匪焚燒而由津達京之鐵路再被匪徒毀壞多處其備於西商諸華人等現又紛紛辭去目下津門之情形如此又接十八日北京信息謂該團匪於十七晚又復起而擾亂將天主耶穌各教堂及各稅務司會食之所概行焚燬并將華籍教民及備於西人處之華人數百名殺害今據識者觀之恐該團匪在京之亂日益加狂深為可慮又風聞中國精兵有欲抗拒英提督西樞諸軍之意若然則大局之危正如卵矣奈何

華事英電 ○本坡實得力太晤士西報接十九日英京來電云英國外部侍郎勿勞得力昨在下議院內宣論中國之事有云現今各國和衷會辦此事均無異言今本國家即當將楊子江一帶所駐英兵之額八為加增同日來電又云中國義和團匪現在北京城外結營深溝高壘以遏西兵入京之路今該匪并將由天津至滬山之橋梁二道毀壞欲以斷絕英提督西樞之北派云云

英打戰電 ○本坡實得力太晤士西報接十八日英京來電云前軍統帥武刺於十四五日之戰所部之眾陣亡者計共廿六人傷者一百廿六人統領棉團所部則陣亡者一人傷者十八人又查那美沙耶第四營之義勇於十一日在律知峇之戰陣亡者三十六人傷者一百零四人十九日來電云敵將模打前在不里多厘亞之東境力拒英軍惟奈不能得志故已從東方退去而英將棉團之軍則已進至里奴士打河又統帥武刺現率所部進攻華加士株南該境之人聞英師既到不戰而降然則非南之事其將平定也乎

亞山知電耗 ○本坡實得力太晤士西報接十八日英京來電云頃接初八日高馬施信息云現在被困諸軍均已暫支半餉至其所存軍火亦不過僅敷自守而已至諸亂民之圍困高馬施者其勢甚為鼎盛云云

急境電音 ○本坡實得力太晤士西報接十八日英京來電云急高羅尼相國實里那現經辭職此事已由南非總督棉刺批准即由該督宣取前相實不力以代其任云云按急高勞尼暨美洲英屬及新金山等處雖歸英屬然與外郡治法頗異雖以其地為屬土而仍存其小朝廷之制度除各境總督例由英廷簡派外其餘大小員弁多係就地取材并有相國廷臣等官與歐洲畧同不過規模少隘而總督則行君主之事大抵與漢制諸王國之有相傳相同故急境相國之辭職而歸必須由該督允准派他委員接辦方得賦遂初之什是亦與歐洲國制大畧從同者也

杞夫人薨逝電音 ○本坡實得力太晤士西報接十九日英京來電云故丞相親王銜公爵杞刺士端之夫人現在業經薨逝等由按杞公前年方兆駒其夫人今復驟然謝世然已年逾八秩亦可謂福壽全歸矣

逆首被獲要聞 ○日本某報現接北京電稱孫逸仙一犯前日已在山東境內被華官所獲并聞中朝各當道現在設法購緝逃犯甚嚴即或逃至外洋造謠惑眾者亦必設法務獲乃止云云若然則彼去國諸人正不可不為之深慮矣

慕娘新經 ○頃接北慕娘消息云刻下該處國家所有發出之銀票為數甚少以致不敷行用現在該處國家業經出示并叻中銀票亦准通用云云洵彼注茲亦事所常有也

暹木價昂 ○頃接網略來信云刻下暹國野智木生理甚難經營因為時常用象入內山拖木故能力省工倍詎知近來象價起至一倍前者每頭一千至五百元刻則每頭漲至三千五百元至四千元不但如是即使人之工值亦屬漲至一倍此該木邇來所以價昂之故也

臣民共慶 ○本月廿四日乃英今皇昔年登極之辰是日中午本坡升旗山鳴炮二十一門以伸慶祝而廿六日本坡各衙署一律停公一天為慶英皇加冕之喜云

改作公司 ○本坡陞旗山下荷頭鐵廠創設有年近來該廠忽然變計將此生理改為有限公司共集股本十萬元并舉中西鉅商以為協理而此項股份昨日經已截收茲將該公司所舉中西協理芳名列登備覽 昇德美號陳清端 山仰號陳合盛 豐吉號洪林泰 西商加遠 西商荷頭 西商刺密 西商羽色士打

姓名錄正 ○昨報告白中有聲明掛砂一則內載文島林亞八交託掛砂之事查林亞八之掛砂實係託交張秀傑一人承領而賴南慶前日所領之掛砂當經注銷惟昨報告白中竟作賴南慶承領掛砂張秀傑掛砂注銷此實顛倒錯悞除將其原來告白改正外并附數言於此以存其實

匪耗彙聞 ○北京來信云西去月二十五號義和團匪勢甚兇狠派往剿撫之兵竟為所敗且又公然於牆邊不時懸有揭帖而廿四號之一帖尤為可駭內有大皇帝已經失政凡我人民當聽四大員之令同為我國復仇等語至天主教民多往都中避難固安縣內有二教民被殺致死又有團匪某甲之友曾親見耶穌教士二人并華教士劉某於孔鎮地方受害又華四月十四日有五十人因過約離孔鎮一英里



之某河俱爲匪徒殺死其時有華教士林南源亦渡是河匪等知其爲教中人拔刀刺傷並由小船拋出繫於岸邊樹上後遂羣至孔嶺之禮拜堂內又將周教士搜出縛其四肢與林教士同繫一樹先將林之兩手割下破腹取腸然後再斷其頭拋落水濱又將周教士碎割同棄河內各匪繼至該處堂中竟將所有什物搜掠一空而去按此事據來信人之見謂駐紮烟臺之法領事曾到是處意欲料理一切以致匪徒糾聚更多滋事更甚而聞匪所殺者以天主教人爲最現計爲匪侵擊者凡十九鎮共有教民九百家分居二百四十三村被擾之後共失各物約值價銀四十萬兩之多然未信教之受其害者亦有一百二十五家失物約值價銀一萬五千之數方今咸安一帶地方雖然無甚亂耗然北京大員初時並不在意以致養癰成患至於斯極可怪殊甚逮至今早得接專電悉有英國兵艦二艘由威海衛開往大沽以便保護而美國亦派有炮船一艘駛往天津用衛美人則殊令人同深欣慰也○都中來信云團匪現在京城內外張貼謠言冀惑衆聽被英人揭得數紙呈於駐都公使送至總署其文云清清志心飯命禮奉清龍王三太子馬朝師繼馬朝師天光老師地光老師日光老師月光老師星老師長棍老師短棍老師要請見鎗弄鎗見刀弄刀聽我號令即便施行又童男女先畫地作圈令其作三揖畢閉目僵立授者提耳念念有詞未幾仆仆而起則任意揮擊無可名目不仆者損棄不教如此邪術而謂當道諸公猶深信不疑何其謬也○北通州探訪友人遞來信息云自義和拳匪踰入通州境內散布謠言無業流氓爭先附和跳刀拍張無地無之有李姓少年僅一十有二載父母惜之如掌上寶珠上月某日忽被邪魔附體一連三晝夜非拳舞棍禁之不能解之無法卒至筋骨疼痛方盡而斃其母痛子情切哀哭至雙目失明亦慘矣哉○茲得確聞義和團匪密派黨羽多人已到南京武昌蘇州上海各處招人入會云譯捷報○茲聞大沽口已有各國兵艦二十四艘計俄國九艘英國三艘法國兩艘德國三艘日本三艘美國兩艘意國兩艘云云以上俄艦九艘由旅順分載俄兵一萬名駛往大沽停泊以觀動靜云譯捷報○四月中旬皇城東安門內一帶游蕩子弟日聚衆習拳觀者如堵適步軍統領英侍郎年之親申某君由此經過駐足閒觀突一小兒揮拳相敬某君猝不及防狼狽而遁事聞於步軍統領衙門立飭弁兵前往訪查拘獲十餘名送交刑部照例懲辦○駐京俄使臣日前進言於總署謂義和團與教民爲難敝國與貴國無教案牽涉固可無慮然各國皆有教務心不自安擬調兵來京保護某君暫爲勸阻以後萬一調兵來京交涉愈難於貴國毫無益處不可不留意王大臣爲之動容即據以奏聞立發廷寄飭九門提督順天府各署一體嚴拿實力剿捕務獲匪徒嚴懲辦云○前報紀團匪在京畿肆擾各情昨又接到飛函據云上月廿九夜匪等先劫琉璃河車站焚燬房屋掘壞鐵路斷電綫本月初一晨匪等又拆毀長辛店至蘆溝橋一帶鐵路並燬沿路車站豐台車站中人聞信趕開火車前往探視行至蘆溝橋路已不通立時逃散城內居民因此均惶急異常奔之四鄉教民逃避於京中教堂約有四百餘人此輩皆係房屋被燬財物被劫僅以身免者於是城內謠言一日數起實則團匪聚散無常現惟在近畿一帶肆擾尙不敢在城內肇事也天津聞警後謠言更多有謂車站西人亦多遭害者有謂保定火車被燒傷人甚多有謂團匪神通廣大以力插壁則屋自焚桶路斷路指車車燬者實皆無稽之談至於涿水團匪刻由直督於武衛前軍中抽調一營前往助剿矣彙錄各報

逐犯起解 ○頃閱憲報云西本年正月十號本國家業經核定將李亞容陳定曾亞耀三名永遠驅逐出境一案茲此三犯經於西本月九號將其押解東旋矣

吞騙案詳臬 ○十九日晚堂辛太守提訊前報運產閩婦陳氏金花去月初旬向穆拉油人嗎砂易及惹嗎并嗎礁立等三人購買金值首飾共計值銀五百餘元其價久欠不還嗎砂易等見陳氏情同欺騙意圖吞沒價項故已次第請票偕同第五十二號一畫差拘氏送案府尊自十八日傳原告三人及証人到案訊問連日續訊畢判將此案詳臬核奪

爲利亡身 ○閩人某甲十九日午後到一號捕房報稱同籍人吳江山販賣鷄鴨爲生十九日午後三點半鐘偕三板出海購買牲口時有藍烟筒輪船由廈門汕頭抵叻進口尙未下旋吳呼舟子掉近該輪已欲登輪詎知立足不牢失足墜下海中即時無跡料吳被水溺死該屍刻下尙未浮起特來投報云云

十九日晚堂公案 ○昨午巡理府提訊前報振茂興烟公司請票派巡丁同一號捕房第八號三畫差持票往甘公麻六甲之丕沙街第十四號門牌屋內搜獲私烟十四罐值銀二百零八元因將閩人陳榜拘獲送案府尊訊畢判罰陳銀一百元不完改禁半年○又訊前報閩人汪傑請票拘獲福清人郭可豐郭壯丹郭安南等三人供稱有屋三間在小坡柔佛路第四十二號門牌等號租於郭等三人迨後三人辭租將屋內銅水喉一具值銀三元五角及門枋戶扇六付計值銀一百元一齊偷去等情兩造各請狀師代理認務由正堂兩太守會訊原告所控有不盡不實之處判三郭爲無罪開釋將案註銷○施排捕捕房總差請票執控東陵路瑞合號東閩人王紡於案據稱王於三月廿九日到捕房報稱伊被同籍人洪計謝古意王萬鍾孫六等四人在烏者路行兇毆打并搶去布雨傘及鞋等物余准王請票至四月初四日將洪等四人拘獲送案是日案由府尊提訊一次展限初九日再訊到初九日王不敢再控洪等王有虛言誣控於人并欺瞞國家官長之罪余傳洪等四人到案爲証等情王請霍士及勿勝尼兩狀師代訴一切據王訴稱余控洪等之案經鄉人林某等數人勸息其訟并訴一切細情府尊飭令將王省釋○船政局水利捕房總差控告該捕房第六十九號穆拉油差名安敏失職候公有辜厥職等情據該差訴稱余曾榮私入西醫院調治由

醫生給余字據一張為証并囑余病未復元可在家開養七天方好當差余因一時之錯未經到捕房稟明等情府尊嚴得其情從輕判罰該差銀六元

二十日早堂公案 ○本日早巡理府提訊第一百六十號巡差執控承春人陳靈供稱十九夜在賭開口街當值見陳肩負竹籃一具內有銅鑊三只小秤一枝細觀諸物知為粵人賣猪肉所用余因近前查問陳不能答為此將彼拘獲送案查無失主等情查陳曾犯盜案二次府尊訊畢判罰陳監禁兩月 振發興烟公司請票派巡丁同第十九號二書差往打石街第四十六號門牌屋內搜獲嗎啡粉數包值銀四元五角及多針一具將閩人林長江等三人拘獲送案府尊訊畢判罰林銀二十五元餘二人開釋 ○閩人李某請票拘獲同籍婦蔡氏據稱氏來余家欺騙余之幼女得有銀紙二百二十元事後氏不肯承認逃匿在芋菜田地方昨日于同第四號四書差按址將氏拘獲送案云云府尊判將案交兩太守廿六日會審

忍心害理 ○本早有穆拉油人砂盡道經舊巴虱前海灘見有漂來死孩一具甫離母胎約僅一月之久砂盡即到一號捕房報知後由第九號二書差往為查看將屍送去施排埔驗按邇來海面浮到孩屍之事日有所聞或言人家私產棄諸水濱或云土工貪食便付諸流水無論因何拋棄總之忍心害理有損天和有地方之責者不可不為查緝也

承頂聲明 ○啓者小坡梧槽律第二百十五號門牌舊料店乃係張蘊開設今因志圖別業願將店底家器一概頂與洪朝水承受請到公親 黃謙 蔡夜兩位仁兄從公估價當面交割清楚該店日前有與人揭借來往賬目均向經手是問與承頂人無干特此佈 聞  
大清光緒二十六年五月二十日 承頂人洪朝水謹啓

聲明掛砂 ○啓者特此通知坡中 諸仕商知悉前於一千八百九十九年忽民末月廿八號文島林亞八立有掛砂字據託交新嘉坡尼亞迷打實得力第九號門牌賴南慶及張秀傑執管今此掛砂字經於本日注銷作為廢紙即由林亞八再委張秀傑一人承其掛砂而賴南慶則不復領掛砂特此聲明  
光緒二十六年五月十九日 代理文島林亞八認務大狀師施申及尼禮謹告

定期集議 ○啓者茲定五月二十七日上午十點鐘齊集大福宮會議廈門平耀存欸並議撥款整頓淇漳山禁港事宜俾往來行旅不致如前之受苦事關善舉祈 諸君子屆期惠臨不勝盼切  
大清光緒廿六年五月十七日 新嘉坡辦理廈門平耀董事公啓

大英欽命新嘉坡輔政使司 為招人投票事照得本國家現有工役欲招人入票承充為此示仰商民人等一體知悉汝等有欲承充是役者可於西一千九百年本月二十二號即華五月廿六日以前入票投交本署以憑選擇其所作之工列後  
一 在新監內起造西人獄差居住之所  
二 在新監內建造一連八間犯婦寓所  
三 在梧槽巡捕房再建單人寓所以及修理捕房巡差住處及建附間

如欲知其詳細情形及圖式者除禮拜外每日由上午十點鐘起至下午四點鐘止均可至營造司署向其大才副查詢凡投票者其票外必須寫明投交本署充當某項工程字樣並須向營造司署大才副取討印便之票照式填寫方能合用至於棄取之權任由國家裁奪各宜踴躍慎毋觀望特示  
大英一千九百年六月十三號 大清光緒二十六年五月十七日 示

承頂聲明 ○啓者本坡乃耳水戲園街門牌第十一號廣源發雜貨店原係劉學仕劉景學兩人合夥同造今因志圖別業願將廣源發之生意全盤頂與杜忠信承受所有欠到各行之賬項及揭借項盡行當面支結清楚分毫無欠準本五月初十日交盤如日後有欠到各號賬項揭借等情不干劉學仕劉景學二人之事特此佈告  
大清光緒二十六年五月十六日 劉學仕 劉景學謹啓

今日 敢者茲本班業經抵叻定於本晚在小坡瓊州會館前之曠地中開演以博奇觀本班所演諸藝

夜本 俱係新欸且極奇妙與別班不同 諸君有興祈即 惠臨鑒幸  
開新 無辜負茲又定於拜二及拜六下午將所演各把戲大為變換另闢  
演戲 奇觀下午三點開門四點開演童子皆取半價欲定坐位請向加里

燕華士西人書店購定可也并將票價開列如左  
官位每位收銀一元五角 二號五角  
一號每位收銀一元 三號二角

大英一千九百年六月八號 大清光緒貳拾陸年伍月拾貳日 日本班謹啟



交易聲明 ○啓者本坡山仔頂門牌第五號永振豐向業海嶼雜貨生理茲特聲明與 各寶號交易來往買賣必須蓋有本號取貨圖章方可為據如無此印諸惟經手是問倘有各件自行賒借與我永振豐號無干特此聲明免滋後論此佈  
光緒廿六年五月十三日 永振豐號謹啟